

# Fundur stjórnar Markaðsstofu Norðurlands

kl. 13:00 þriðjudaginn 21. apríl 2020 - fjarfundur

Mættir stjórnarmenn: Arngrímur Arnarson, Baldvin Esra Einarsson formaður, Edda Hrund Guðmundsdóttir, Sigurður Línadal, Viggó Jónsson, Tómas Árdal varamaður og Þórdís Bjarnadóttir varamaður.

Starfsmenn: Arnheiður Jóhannsdóttir framkvæmdastjóri og Hjalti Páll Þórarinsson.

Áheyrnarfulltrúar: Álfhildur Leifsdóttir og Axel Grettisson (yfirgaf fund kl 13:55).

Formaður bauð fundarmenn velkomna og setti fund. Fól svo framkvæmdastjóra að ganga til dagskrár.

## 1. Staða verkefna

Framkvæmdastjóri greindi frá stöðu verkefna MN.

- MN búið að gera birtingaráætlun á samfélagsmiðlum – nú þegar farið af stað.
- Ekki hægt að byrja strax á innlenda áttakinu með Ferðamálastofu
- Erlenda átakið fer að rúlla af stað – verið að velja auglýsingastofu og vinna að undirbúningi. Mun verða kallað eftir einstaklingum frá ft. inn í vinnu við undirbúning og útfærslu átaksins
- Stefnt að vinnu með Íslandsstofu í framsetningu á gögnum varðandi Covid – áhrif og afleiðingar.
- Verið að reyna að ná samtali við ferðaskrifstofur – verið að vinna podcast fyrir erlendar ferðaskrifstofur.
- Verið að vinna að streymi þar sem ólíkir aðilar væru að tala um mismunandi hluti s.s. jarðfræði, vetrarafþreyingu, hvalaskoðun o.s.frv.
- Stefnt að því að senda út frá virtual tours – Elding fyrst með að senda út frá hvalaskoðunarferð
- Gönguleiðaverkefni – MN að skapa regnhlíf fyrir vinnu sveitarfélaga við að fjölga, merkja og viðhalda göngu- og hjólaleiðum á Norðurlandi. Verið að bíða eftir viðbrögðum sveitarfélaga. Stefnt að átaksverkefni í júní, þar sem reglulega yrði sagt og sýnt frá verkefninu á samfélagsmiðlum og þannig notað til að kynna áfangastaðinn Norðurland.
- Stefnt að því að senda út skoðanakönnun til ferðaþjónustufyrirtækja á Norðurlandi
- ACW – verið að klára GIS handbókina – leiðbeiningar með GIS gagnagrunninum sem sveitarfélögum hafa aðgang að – verður kynnt fyrir sveitarfélögum þegar það er tilbúið.

Önnur verkefni sem MN hyggst leita til landshlutasamtakanna til að taka þátt í með MN:

- Gönguleiðaverkefnið
- Our story – hvert sveitarfélag segir sína sögu
- Sagan í bakgarðinum – fyrirtæki segir frá sinni sérstöðu eða leyndarmáli í sínu nágrenni
- Leiga á mannlegum guide – ca klst. Fólk skráð rafrænt í ferðina – skráðir þátttakendur geta þá spurt spurninga eða „stýrt“ leiðsögumanninum í göngu um ákv. stað.
- Gagnvirt ferðalag.

Umræður um verkefnið. *Ákveðið að framkvæmdastjóri athugi möguleika á stuðningi og breiðari þátttöku annarra aðila að verkefninu, og fái jafnframt meiri upplýsingar um útfærslu, kostnað og ávinning.*

Innanlandsátakið – á vegum Ferðamálastofu

- Markaðsstofur landshlutanna (MAS) voru búnar að óska eftir að fá skilgreint hvert yrði hlutverk MAS í verkefninu og hvaða fjármagn fylgdi.
- Nú er komið í ljós að búið er að skipta landinu í 4 svæði (ekki sömu svæði og MAS) og allir peningar sem áttu að fara til MAS eiga nú ekki að fara þangað heldur beint til Brandenburg til að greiða fyrir birtingar.

*Stjórn finnst áhyggjuefni hvaða stefnu þetta verkefni er að taka og óásættanlegt með hvaða hætti eigi að nýta fjármuni sem til þess eru ætlaðir. Framkvæmdastjóra falið að skoða áframhaldandi aðkomu MN að verkefninu þ.e. hvort MN sé stætt að taka þátt í því með þeim hætti sem Ferðamálastofa leggur upp með.*

Búið að leggja formlega niður Ferðamálasamtök Norðurlands eystra sem hýst hafa verið hjá MN undanfarin ár.

## 2. Fjármál

Framkvæmdastjóri gerði grein fyrir stöðu fjármála og kynnti drög að ársreikningi.

Framkvæmdastjóri greindi einnig frá því að 3,6 milljónir komu frá Ferðamálastofu, þetta eru fjármunir sem ætlaðir eru til að styðja við verkefni í þágu fyrirtækjanna á hverju svæði (vegna Covid) og MN í sjálfs vald sett hvernig þeim verður ráðstafað í þágu fyrirtækjanna.

MN fékk svar frá ANR um að MN fær þann stuðning sem sótt var um úr Flugþróunarsjóði.

Stjórn samþykkir að senda erindi til ANR um greiðslu aðilardargjalda fyrirtækjanna í ár.

## 3. Undirbúningur fyrir aðalfund

Ákveðið að halda aðalfund MN þriðjudaginn 26. maí. og stefna að því að hafa hann rafrænan. Jafnframt ákveðið að óska eftir því að KPMG sendi stjórnarmönnum ársreikninginn til rafrænnar undirskriftar.

## 4. Önnur mál

Álfhildur greindi frá því að viðbótarúthlutun frá Framkvæmdasjóði ferðamannastaða skilaði sér ekkert á Norðurland vestra, og í fyrri úthlutun sjóðsins var einungis eitt verkefni styrkt á svæðinu. Mikil óánægja er með þetta á svæðinu.

*Stjórn MN fagnar þeim fjármunum sem verkefni á Norðurlandi eystra hlutu í úthlutunum frá Framkvæmdasjóði ferðamannastaða, en lýsir jafnframt yfir miklum vonbrigðum með að mjög fá verkefni á Norðurlandi vestra hafi fengið úthlutun.*

Fleira ekki rætt og fundi slitið kl. 14:40

Fundarritari HPP